

Wujudkan lebih banyak resort hijau

INDUSTRI pelancongan negara yang semakin berkembang memerlukan semua pihak khususnya pemain industri dan masyarakat tempatan untuk meningkatkan kesedaran terhadap penjagaan alam sekitar.

Pengarah Pelancongan Sabah, Awang Ahmad Zaki Abu Bakar berkata, peningkatan dari segi jumlah pelancong yang masuk ke negara ini turut akan memberi kesan kepada persekitaran setempat



AWANG AHMAD ZAKI

khususnya pertambahan jumlah sampah dan sisa buangan.

“Walaupun manfaat sektor pelancongan kepada ekonomi cukup besar, namun kita perlu memahami kesan negatif industri tersebut terhadap alam sekitar.

“Justeru, masalah pencemaran itu perlu ditangani untuk memastikan kemapanan jangka panjang industri pelancongan, sekali gus memberi manfaat kepada

pendapatan negara dan penduduk setempat,” katanya.

Jelas Awang Ahmad Zaki lagi, menurut Laporan Persaingan Perjalanan dan Pelancongan 2017, isu yang perlu ditangani termasuklah penggunaan air, pengurusan sisa buangan, penggunaan tenaga, kemerosotan tapak warisan, budaya dan alam sekitar.

Justeru katanya, kerjasama antara Universiti Putra Malaysia dengan Uncle Chang's Dive Lodge itu merupakan langkah proaktif yang perlu diikuti oleh pemain industri lain dalam mewujudkan

lebih banyak resort hijau, sekali gus membantu mengurangkan pencemaran alam sekitar.

Langkah itu katanya, sedikit sebanyak dapat membantu mengurangkan beban pihak Kementerian Pelancongan selain berupaya memimpin industri pelancongan negara ke arah kelestarian.

Ia juga ujarinya, selaras dengan Dasar Ekopelancongan Kebangsaan dalam mengembangkan sektor pelancongan negara ke satu tahap yang lebih tinggi.